

DISPUTATIO MEDICA
DE CLAVO,
QUAM

Decreto Gratiolæ Facultatis,
P R Æ S I D E
RECTORE MAGNIFICO,
RUDOLPHO JACOBO
CAMERARIO,

Professore Medicinæ Ordinario,

PRÆCEPTORE SUO VENERANDO,

P R O L I C E N T I A

Summos in Medicinâ Honores

legitimè capeßendi,

Quoad partem primam

Publico Eruditorum Examine

submittit

PETRUS KECK, Giengensis,

Ad d.

Septembr. h. 19. sol.

21

3

Handwritten text in a cursive script, likely a letter or document, heavily faded and obscured by numerous brown stains and foxing marks. The text is arranged in several lines across the page, with some words appearing to be "I have", "the", "and", "of", "in", "at", "on", "for", "with", "by", "from", "to", "in", "at", "on", "for", "with", "by", "from", "to".



In nomine Jesu , pro miseris crucifixi.

CHema nostrum, cujus modò tractationem ordimur, liberandum ante omnia est ab æquivo- catione; Clavus enim hîc non sumitur (juxta ductum *Paul. Zachie* in quæst. med. leg. l. 2. t. 3. q. 15, & *Brunonis* in Lexic. Medic.) pro morbo uveæ oculi tunicæ, qui tumoris speciem præ se fert, clavo non absimilis: nec pro tumore pedis, qui rotundus, candidi coloris, clavorum capitibus non absimilis, in ejus extremi- tate communius enascitur, &c. Sed pro dolore capitis, determinato ad certam ejus partem.

Ratio hujus nominis fundatur in sensu ægrorum, & modo quo suum dolorem exprimunt, aut simili, ab instrumentis me- chanicis desumpto, quo suas passiones declarant; Clavus enim juxta *Tornamiram* & *Valescum* apud *Forestum* in obs. 62. l. 9. dici- tur ad similitudinem clavi ferrei, quia videtur, quod clavus ali- quis in parte capitis figatur, aut quod clavo aut acu pungantur ægri. Ejusdem rationis est aliud nomen, *Jaculum*, Injaculatum, quo he- micraniam congenereque topicos capitis dolores vulgò designari notat *Ludovici* in E N C. A. 10. O. 34. ubi per anticipationem ju- vans ludicrum.

Novitas nominis ducit ad synonymias, & affectus congene- res; Quanquam enim nomen clavi tanquam affectûs in scriptis ve- terum non æquè occurrat, res tamen ipsa sive passio, proculdu- bio omni tempore miseris ægris nimis nota, medicos latere non potuit. In ascriptis *Galen*i finitionibus *Cephalæa* est passio, quæ per quosdam circuitus intolerabilem capitis dolorem affert; quo circa & aures sonant, & rubent oculi, ac prominent; simul verò distendun- tur ægris vena frontis, & rubor in facie est. In iisdem audit *Hete- rocrania* dolor, qui modò in parte sinistra capitis, modò in dextrâ ac- cidit

cidit, ac quandoque intensiones, interdum remissiones infert. Eidem Pergameno in d. loc. affect. & comp. pharm. sec. loc. *Cephalea* est inveteratus & agrè cedens capitis dolor, qui ex facili occasione maximas exacerbationes habet, adeò ut neque strepitus, neque vocem vehementiorem, neque lumen splendidum, neque vini potum, neque odora menta caput replentia perferre possint, neque item motum, sed in quiete & tenebris ob dolorum magnitudinem decumbere vetint; habetque hæc affectio aliquando exacerbationes & intervalla, velut comitiali morbo apprehensis, &c. Talia utique si coarctentur magis topicè, clavo sanè conveniunt. Quibus adde τὸ πονέειν καὶ τὸ ἡμῖσιν τῆς κεφαλῆς, de quo ex *Hippocratis* epidem. lib. 5. & 7. infra.

Nam sub *cephalæâ* aut *hemicraniâ* vel potest comprehendere vel latuit olim clavus, & adhuc passim ad hanc revocatur; Quapropter & hîc non quidem istas præcisè, quàm potius quâ cum clavo vel easdem vel affines, tractare & huc advocare subindè juvabit. Uti ergò *cephalæam* *hemicrania* ad *semicaput*, (termino *Welschiano* è dec. 6. cur. 5.) ita hanc clavus ad minus spatium restringit. Cui per consequens *Ovum*, terminus iisdem Autoribus usurpatus, *Etmüllero* quidem inter futuram sagittalem & temporalem conclusus dolor, si dicatur ad similitudinem ovi gallinæ, & pariter unam modò, sed quamcunque capitis partem, occupet, (uti & *Nux*) quæliacunque synonyma erunt; si verò ad similitudinem armaturæ sive galeæ, ad cuius modum dolor caput comprehendit, *cephalæam* exprimet latiore, de quâ nomenclaturâ, & de monopagiâ, plura vide sis apud *Forestum*, l. c. Sic inter dolores exili loco & foco comprehensos, de quibus peculiari observatione *Pechlinus*, clavus figitur ad certam capitis particulam, eò velut omni vi adactus, quamvis vagorum motuum & ulterioris extensionis exempla in sequentibus non sint defutura.

Hujus clavi historia undique ex practicorum observationibus conquisita, cum accessu variarum hinc inde innotescentium, longam malorum phænomenorum dedit seriem, suo jam deducendam ordine. Inprimis fidem merebuntur experti *Ruperti*, hoc est, *Medici*, qui ipsi *hemicraniæ* aut clavo obnoxii de propriâ passione scripserunt, in specie *Carolus Piso*, *Pachequus* in observationibus *Riverianis*, *Mauritius Hofmannus*, *Richardus Mortonus*; Legi omni-

nò merentur quæ consignavit *J. G. R.* in app. ENC. D. 3. A. 6. officio medici sic defunctus, sc. quæ, quanta & qualia ipse fuerit passus, historiâ de hemicraniâ periodicâ singulari solandæ miseriæ humanæ adcuratâ: Quibus adde, qui talium ægrorum fata se præ-tendunt notasse specialius, uti quidem *L. Bellinus* consimilem hemicraniam raræ constitutionis à se diligenter observatam inter morbos capitis exposuit; plures in decursu laboris laudari merebunt. *Job. Ant. van der Linden* historia & consilium de hemicraniâ menstruâ nobis adhuc est in desideratis.

Ex phænomenis antedecedaneis causa vel occasio primò prima *Pisoni* fuit corpus & in specie caput contra injurias aeris frigidi non benè munitum, tali enim tempore meminit se primùm hemicraniâ fuisse inopinatò percussum; clavus capucini in consiliis *Bened. Sylvatici* originem habuit ab aere frigido & humido; Eques *Jobi à Mekren* in observ. à casu in os parietale cæcus & hemicranicus fuit factus; *M. Hofmannus* ex cursu celeriori præceps factus frontis supra supercilium tantam contusionem in platea fuit passus, ut ex cicatricis magnitudine facilè conjicere potuerit ad calvariam penetrasse contusionem; Æger *Bellini* tali affectione laborare inceperat ex casu in caput ad solum ex altiore arbore; *Rabnero* suam immisit deus à lectione die intensè æstivo in librum pronâ facie obdormienti: Apud alios de quâcunque violentiâ & cicatrice altum est silentium.

Ætas patientium varia legitur, adultorum quidem, uti *Foresti* amita cum galeâ consenuit, tempus tamen primum quibusdam fuit satis tenerum, à quo semel concepta passio hæsit in multos annos. Lapsus illum *Hofmannus* sustinuit anno ætatis quarto vel quinto; æger *Bellini* septennis, *Piso* nondum ephœbus laborare cœpit: Quorundam ita clavus illi morborum censui adscribi debet, de quibus *Cous aph.* 28. f. 3. scribit, quòd si pueris remanserint, neque circa pubertatem soluti fuerint, aut fœminis, cum menstrua erumpunt, inveterascere soleant. Mediam ægrorum suorum ætatem memorat *Lentilius* in app. ENC. D. 2. A. 10. *Rabnerus*, postquam viginti duos annos à malo liber vixisset, scribit, quæ olim per viginti tres annos passus fuerat, igitur benè adolescens creditur, cum primò corripereetur.

Quia hic solus clavi sive hemicraniæ suæ mentionem facit

tanquam in filium duodecennem per dispositionem hereditariam derivata, sequetur exferentis, proin & hæc circumstantia hinc stare poterit; ut & illa, quando suum temperamentum, ab aliis ferè neglectum, sive constitutionem sui corporis ab ineunte ætate graciliorem & biliosam exprimit. Utique participationem quandam tincturæ biliosæ aut melancholicæ è plerisque historiis colligas; in obs. *Jacotianis* Riv. comm. n. 12. quinquagenarius gracilis & raræ texturæ, ad iram maximè proclivis, laborasse legitur. Habenda etiam est ratio sexûs, quia clavus peculiare prædicatum invenit apud *Sydenhamum*, in ep. d. aff. hyst. quo audit hystericus; interim non in solas fœminas cadit, quia prostant historia virorum, quos clavus afflixit non minus, si non magis, exquisitus, fixus & constans.

Sequentium frequentium exacerbationum occasiones suppetunt variæ: Quod enim *Galenus* de cephalæâ dixit, ægros ex facili occasione noviter pati, id de clavo suo plerique omnes perhibent. Sic malè audit locis citatis solis ardor caput feriens, odor croci, balsamorum fragrantium, refrigeratio frontis ab asperiore vento, temporum mutationes, de quibus in specie multa passim perlaudatum opus *Piso*, & *Bellinus*, qui vergentiæ ad austrinas, pluvias, humidæ constitutiones meminit, (cùm tamen *Poterius* C. 3. c. 8. suos temporibus ut plurimum siccis doluisse scribat) item æstate rarius, hyeme acriore frequentius suo ægro malum fuisse, ut anemotropos vocari clavus æquè possit ac illa hemicrania *Hanneji* in Act. Hafn. v. 4. obs. 66: Adde errata nimis quàm leviuscula, magni tamen ad dolorem momenti, *Rabneri*, si caput in somnis situ proniore jacuerit, si mitella dormienti deciderit.

Assumpta diversa diversis clavum revocarunt: Usus vini, primò cujusvis, parcissimus licet, dein sulphurati, & cerevisiæ crassioris, pinguium, actu calidorum aut aromatibus conditorum, & quod idiosyncrasiam individualem sapit, canceri fluviales non in primâ, sed solùm in ultimâ mensâ degustati. Ex jejuniis paroxysmos primò frequentiores, dein progressu ætatis rariores citat *Hofmannus*; Apud *Willisum* d. an. br. fames in cœnâ & appetitus ferè caninus præfagiit mulieris paroxysmum cephalalgicum; Jejuno an cibis refecto ventriculo plus sævierit malum, nescit *Rabnerus*; Qui inter motus corporis specialiter meminit dolorificæ fortioris sternu-

tatio-

tationis & emunctionis ; Eidem quoque exprobrantur lucubrationes , intensiores in sublimioribus studiis cogitationes, animi perturbationes.

In hunc causarum noticiarum censum venit ex retentis *Bel-
lino* & *Pisoni* alvus sicca , nares siccae ; menses intempestivè suffla-
minati virgini apud *Pecklinum* malum hoc creaverant ; Matrona,
de cujus hemicrania *Chir. Bailly* in sepulcreto *Boneti* , ab anno 18.
fluxum hæmorrhoidalem passa fuerat , capucino *Sylvatici* molestæ
hæmorrhoides dicuntur , sed earum habitudo ad dolorem non ex-
primitur. *Rabneri* malum à suppressione familiaris & consuetæ
hæmorrhagiæ ex cavo dentis & naribus cœpisse legitur ; Famula
Foresti si vernam venæsectionem & frequentem purgationem præ-
termisisset , levissimâ ex causâ modò monopagiam , modò hemicra-
niam incurrebat.

Hæc uti jam declinant ad res præternaturales , ita in earum
censu pergentibus plura clavi antecedanea occurrunt : Hysterica-
rum illas , quæ chloroticæ sunt , clavo obnoxias determinat *Syden-
ham* ; His si ad latus ponantur Hypochondriaci , quorum famosi
etiam sunt dolores periodici varii , non contra mentem ejus id fiet,
nam eos ipse in epistolâ hystericis associat. Verba quondam miseri
de suâ cephalicâ hypochondriacâ , quæ solebat descendere ad nari-
um radicem , & habebat obversantes oculis splendores , hæc erant :
*Patior vim moti velut cunei ab epigastrio aut hypochondrio sinistro ad
dextrum , inde ad præcordia , hinc ad cranii parietes , summo impetu,
unde omnes nervi à capite uno tractu ad stomachum , ad umbilicum,
ad extrema etiam celerrimè contorqueri & circumvolvi videntur.*
Huc referri potest colica illa anoterica , quam *Stahlius* in d. podagr.
habet , quandò fœminæ prætendunt , molestias suas ab infra ir-
rumpere in caput , & quia luunt prægressum defectum evacuatio-
num inferarum , uti vicissim liberantur à clavo purgatæ infra , etiam
sub motibus torminosis. Utrique circa hemicraniam *Paracelsus*
vult semper quæri , ob *schloßvveh* adsint , *schüsse* in ischiâ , *lenden-
vveh* . &c. In nephritide , quâ parte est calculus , eâdem succedit in
capite hemicrania , scribit *Baglivus* , quod & *Bartholinus* in epist.
memorat , sc. in nonnullis calculosis ejus esse lateris hemicraniam ,
quâ parte rerum calculus se urinæ opposuit , doloremque fecit.
De cætero in obs. 91. c. 2. Riverii post luem veneream curari visam
dici-

dicatur cephalæa virum in mutationibus tempestatum, ac præcipuè ineunte autumno, graviter excruciasse, & in eodem loco clavi instar semper infixam permanisse; similem suspicionem incurrit alius apud *Fernelium*, intolerabili suo capitis dolore, ubi pars dolens in syncipite magnitudine digitum non superabat: Consimile quid *Rhodius* habet, & alibi observat, verminosum diu & mirè capite tortum inter alia tæniam per alium deiecisse, cui adde quod in observatione secundâ *Spindleri* de cephalalgia ex verme lato legitur; nam talia & nobis suppetunt infra.

Clavus dolor est, ergò in phænomenorum constituentium & comitantium serie primus notari debet Locus: Parva illa pars patiens, quæ vel digito interdum regi possit, specialius determinatur à *Tornamira*, quod sit communiter supra oculum in supercilio, à *Valesco*, quod ut plurimum hæreat supra vel propè supercilia; (ponite mortales tot miseriis obnoxii supercilia.) Hic præcisè locus fuit passionis apud *Forestum*, *Hofmannum*, *Crugerum*, *Rabnerum*, cujus historia regiae, officinae, centri dolorum in medio supercilio defixi meminit, *Elsholtius* autem dolorum principium deducit ab occipite, dein progressum ad synciput, inde tela sævitiæ per frontem ad oculum, atque adeò fuisse hemicraniam, gradu solum doloris intensiore circa oculum, quàm alibi, prætendit. An eò spectat illud *Welschii* dec. 4. cur. 2. dolorem ejusdem generis, qui totum cerebrum obsidet, in unam tamen ejusdem partem si magis incumbat, alterius dolorem obscurare posse? Sed ad sedem præcisam doloris iterum: *Pechlinus* pari suorum ægrorum illam supra canthum oculi majorem, *Piso* anticum caput & frontem, *Platerus* ubi ossa nuda & excarnia prominent, *Helmontius* in duumvir. frontis verticem aut cornu, unius taleri circino, synciput magnitudine digitum non superans, *Formius* in obs. Riv. com. num. 31. & *Welschius* in mictominem. tempora, quæ *Galenus* hemicrania dederat, unus *Forestus* etiam in parte occipitis clavi quid observavit & descripsit; *Bellinus* autem quid & quantum de capite sui doluerit, omisit.

Plures citatorum casuum latus capitis dextrum ita dolens habent, quàm sinistrum, sinistrum tamen fuit illud *Baillii* & *Mortoni*. Solet enim, non semper, tamen sæpè locus esse constans, & dolor fixus, non facile transgredi in latus alterum, sed memor manere nimis

nimis quàm accuratè certæ suæ sedis. Miserabile nimis fuit fatum illius apud *Mekren*, cui non locus contusus, sed successivè doluit tempus, nasus, dens, labium, auris unius lateris, dein sub ipsâ spe remedii ex chirurgiâ transiit in hemicraniam, odontalgiam, otalgiam, tandem rediit in modum pristinum. *Sylvaticus* dolorem in supercilio à compressione ad suturam coronalem, mox & ad muscolum temporalem propagatum notat, *Galeno* quidam ad tactum dolent, *Rabnero* videbatur compressio majus minari periculum.

Speciem doloris clavus infixus exprimere dicitur, unde apud *Sylvaticum* dolor est terebrans, apud *Hofmannum* pungens, *Pisonem* graviter premens & contundens, apud *Galenum* præter distensionem tanquam à malleo pertundi sibi videntur ægri, qualis etiam malleatio ferè mēstrua, heu! quàm miserabilis, legitur in Act. Hafn. v. 2. o. 62. *Rabnerus* habuit per gradus stuporem velut à gravēdine, dein obscurum pulsatilemque dolorem & pungentem, hinc sensum immaturi apostematis, tandem post strīcturas acutissimi & per varios anfractus subitò discurrentis doloris, ad instar fulgurationis, lancinans & ad rhythmum cordis pulsatile malum: adde pulsationem temporalem *Jacotii* O. 12. Liceat hāc occasione transcribere verba *Galeni* ex l. 2. d. loci aff. ubi docet, quid requiratur ad describendum ritè dolorem: *Judicium perdifficile est: Nam plerumque aliis nos credere oportet, qui suos affectus ob animi mollitiem neque consequi planè, neque si consequantur, eos enarrare possunt, aut quia oratione, quid patiantur, declarare omnino nequeunt, (quippe non parva facultatis ea res existimatur) aut quia affectus ipse ineffabilis est. Ergò relinquitur, quod nemo singulorum dolorum species conscribere possit, nisi ipsemet passus fuerit, sitque medicus, qui interpretandi aliis facultatem habeat, & qui prudenter sine mollitie comprehendere possit suos affectus, dum laborat.* Huc ergò illud Fr. Sylvii apud *W. ten Rhine* p. 135.

Gradus doloris perhibetur passim magnus, imò maximus. Iterum citandus hīc eques *Mekreni*, quia horrenda passus. Communiter prehensi jacent, lecto affixi; *Bellini* æger ne minimum rumsculum ferre potuit, aut dubiam luculam, aut loqui tantillum, quin neque tangi absque dolore in quavis corporis parte, sudabat frigidum, &c. se ne cogitare quidem tum quidquam potuisse, post-

modum asseruit ; *Ægro Pechlini* dolor lacrymas & quævis impati-
entiae signa, generoso alioquin & ad aspera quæque obfirmato vi-
ro, extorquebat ; *Ægrum Jacotii* dolor à vertice ad tempus dex-
trum ter quaterve in anno recurrens adeò cruciabat, ut in despera-
tionem ferè adduceret ; *Rabnerus* memorat tædium vitæ, & ejula-
tûs torturâ motam viciniam ad congemendum ; *Lentilius* metum
movendæ mentis, consciscendæ sibi mortis, ut omninò huc spe-
ctet illud *Borrichii* in A.H. 5. p. 166. *quid faciat interdum dolorum*
immanitas. Noster tamen *Galenus* in d. comp. pharm. sec. loc. l. 2 :
Ob capitis dolorem vehementem nemo unquam animi deliquio compre-
hensus mortuus est, neque se ipsum occidit, quemadmodum quidam
coli dolore vexati fecerunt. Utcunque enim doleant, longè minor
iporum dolor est, quàm eorum, qui coli, aut auris, aut oculi, aut
dentis, dolore vexantur.

Ratione temporis clavus ut dictum dolor longus est valdè,
tædiosus & diuturnus, quo laboravit æger *Pechlini* 3. *Sylvatici* 8.
Piso 14. *Pachequus* 15. *Rabnerus* 23. annos, imò apud *Schenkium*,
hemicrania 40. annorum, tamen tandem curata, legitur. Intelli-
gendum id est de dolore non continuo, sed periodico : Paroxys-
morum autem ordines & tempora variant. In *Pechlino* legitur do-
lor singulis annis semel atque iterum per tres quatuorve septimanas,
& spatium quatuor horarum, cum statis quotidie redeundi inter-
vallis, quæ ne minuto horæ mutarint ; *Hofmannus* per intervalla
nunc breviora nunc longiora, à pueritiâ ad consistentem ætatem,
clavum passus, vix post 24. horas remissionem paroxysmorum sole-
bat obtinere ; *Bellini* æger per vices incertas semel, bis, quaterve
singulis mensibus, aliquando per solidos menses nunquam passus,
24. horas, & identidem ulterius habuit ; *Rabnerus* trimestribus &
quandoque brevioribus vicibus per 3. vel 10. dies quotidie 6. 8.
horas. Mirabilis periodus per multos & varios tam annos quàm
dies legi meretur in ENC. A. 6. descripta per *S. Schulzium* ; De hemi-
craniâ, malo valdè chronico & pertinaci aliàs, & facilè recrudescente,
brevis tamen superatâ, gloriatur *Mortonus*, laborarat autem quo-
tidie ab octavâ ad quintam vespertinam ; apud *Schenkium* *Cardanus*
narrat dolorem supra nares, qui ad meridiem crevit, à meridie de-
crevit ; Alium *Bartholinus* in ENC. 1. O. 51. qui ad horam duode-
cimam terminum solebat attingere ; Alium *Langelottus* l. c. A. 7. O. 8.
qui

qui cum sole oriebatur & occidebat, sub meridiano autem summè exaltatus: confer. cit. app. A. 10. D. 2. & mictomimemata *Welschii* in app. A. 5. cent. 2. §. 33. Plenilunii tempora sibi ordinariè dolorosa per aliquot dies horis matutinis in dextro supercilio asseruit nobis faber. Itaque non suppetit, ex quo clavus potius nocturnus, quàm diurnus dici possit.

Qualis ad aspectum sit caput & pars, quam occupat clavus, pauci historicorum exprimunt; *Crugerus* in ENC. D. 2. A. 9. O. 41. meminit rubore suffusi oculi, *Rabnerus* rubentis ocularis musculi, deindè tumentis & convulsi; *Galenus* suprà cephalæ ruborem & prominentiam oculorum, distensionem venarum frontis, & ruborem faciei dedit; Quos membrorum lusus per dimidium corporis peculiari observatione illustravit *Pechlinus*, in suo capite pariter ostendunt personæ hemicranicæ, quibus secus, ac in illâ definitione cephalæ, unum fortè latus friget, alterum calet, unum siccum est, alterum sudat. *Poterius* l. c. de rarâ & non observatâ doloris specie in facie agit, citra ullum tumorem, ruborem, aut signum evidens; quod multorum clavo convenit.

Plura clavo conjuncta phænomena sunt hæc: *Sylvaticus* fulgurum ægri oculo obversantium meminit, item impeditæ masticationis; concutitur aliquando, scribit de suo ægro *Bellinus*; convellebatur musculus ocularis *Rabnero*; Qui etiam vertiginem patiebatur, quæ cum tinnitibus apud hypochondriacos aliàs frequens est; de quâ tamen alii silent, quidam à nobis quæsiți neutrum se pati asseruerunt. *Piso* quorundam hemicranicæ convulsivos & evidentes totius abdominis dolores addit comites, & in nobili virgunculâ varios artuum & capitis convulsivas torturas observavit.

Habenda etiam est ratio urinæ & sanguinis; quanquam enim plerique hæc prætermiserint, suppetit tamen apud *Schenkium* urina sub dolore meridiano limpida, sub remissione vespertinâ tinctior; apud *Mortonum* urina multum tincta & contentis saturata speciem aquæ cum pulvere lateritio commixta semper (quod non æquè apud nostros) præ se ferebat. Sanguinis è venâ sectâ missi conditionem solus declarat *Rabnerus*, nempe pulcram, quem *Timeus* fuerit arbitratus peccare nimia laudabilitate. Quæ de *diabete hypochondriacorum periodico*, & de *sanguine florido* in disputationibus sub Præsidente quondam habitis sparsim leguntur phænomena, magnam huc spectant partem.

An toties febricitant clavo fixi? *Welschius* l. c. febriculam hemicraniae comitem facit, eandem *Piso* colligit ex siti & pulsu, (alio tamen respectu urget hemicraniam nec in principiis tertianae nec erysipelatis semper vellicare aegros.) quem *Bellinus* in vehementiam doloris in aequalem cum sudore frigido observat: Horis illis paroxysmorum febriculosi quid incessere videbatur *Pechlino*, *Mortonus* in se ipso nulla febris praesentis indicia agnovit, delitescentiam vero praeter urinam ex periodis & recrudentiam suspicatus est; aliam autem superaddit, quae ex mora paroxysmorum longiore tandem quadante nus febricitare inceperit. Sine febre ac siti aut phlogosi ullam dicitur ille dolor à *Jacotio* l. c.

Sunt in primis duo phaenomena, quae clavo superveniunt, in specie memoranda: Primò vomitus, cujus quanquam omnes historici non faciant mentionem, potiores tamen omni jure habent rationem; *Sydenham* in primis, *Rabnerus*, qui ructus, nauseam solum vomiturientem habuit,, *Piso*, qui copiosam aquam lentam, instar albuminis ovi, bile affusam rejecit, *Hofmannus*, vomitum biliosum passus, *Bellinus*, praeter conatus saepe irritos, aquam limpidam, viridem, insipidam, salis, amaram rejectam notans; omnia sc. haec exorta per vehementias paroxysmorum.

Secundò somnus: Hoc *Piso* paroxysmos suos terminari solitos dicit non modò, sed & addit, quod somnus omnibus hemicranicis sensim obrepens doloris non injucundum carmen seu fascinus esse soleat; Videtur omninò huc spectare sorda subethica Arabum. *Willisus* duas matronas sub finem paroxysmorum cephalææ in somnum cogi, somno gravi & perturbato succumbere, notavit.

His adde hæmorrhagiam narium, de qua, cum plures sileant, *Hofmannus* tamen testatur, dolores non nisi post vomitum biliosum & hæmorrhagiam remisisse. Poterunt si placet conferri vicina hæc duo symptomata clavi & hæmorrhagiæ narium: Hæc enim etiam interdum particularis restringitur ad narem alterutram, periodica observatur & consuetudinalis, ciatur irâ, vino, similique causâ saepe levi, succenturiatur defectui evacuationum aliarum, fovetur viscerum è directo respondentium vitiis, & audit hypochondriaca, hysterica, doloris causa est remedium.

Quoad cætera, scribit *Mortonus*, firmè valebam, & cum appetitu integro muniis solitis fungebar: Habet enim clavus ut cephalææ

phalæa *Galen*i intervalla , interceditque tempus aliquod , quod omninò accusari non potest , unde *Lentilius* de suis ægris l. c : cessante paroxysmo , quocunque vellent , ibant , nec ullum sui vestigium dolor relinquebat ; *Bellini* æger , ubi dolor evanuerat , artubus vix constabat , omninò viribus fractus . In genere igitur , ut phænomena etiam consequentia claudamus , molestus ita potius multis fuit Clavus quàm lethalis , nec legitur inflammatio aut suppuratio extus ipsi in fronte vel supercilio vel temporibus superveniens aut erumpens , vid. tamen *Borell*. C. 1. O. 39. *Piso* , qui hemicraniam epilepsiæ & gravissimorum capitis affectuum prodromum observavit , (qualis etiam filiola O. 37. c. 1. *Riverii*.) in proprio dein corpore post multos annos , cum hemicrania emaneret , sævos lumborum & abdominis cruciatus , etiam periodicos , sustinuit , nephriticus ; *Hofmannus* podagricus . Omninò autem huic spectat illud *Wepferi* in d. cic. aq. hemicranias & cephalæas sæpè pluribus diebus , imò septimanis ac mensibus , summopere excruciare ægros , quorum nec centesimus inde epilepsiam patitur ; confer thesin decimam Disp. B. *Parentis* de frequentia epilepsiæ .

Sequuntur in serie phænomenorum Juvantia , quatenus innotescunt per experientiam . Discat & sapiat æger ægri periculo ! Juvit utique & profuit contra clavum ante omnia omisisse & fugisse illud omne molestum , quod prius inter causas adduximus , & quod ad bona & mala suo corpori ut decet attendentes vix latebit . Sic in specie *Hofmannus* : Per spatia bimestria & longiora doloris illius immunitatem facile mihi promittere possum , dummodò cerevisiæ crassioris , lupuli floribus condita , & vini recentioris , aut sulphuris fumo inebriati usu abstineo . Laudes etiam diætæ sunt apud expertum *Pisonem* ; Amita uxoris *Foresti* referebat , se à diuturno & consueto per plurimos annos galeato dolore plurimum sublevari , si pomum frigidum , crudumque in fine mensæ comederet , nullo deinde alio cibo superingesto . Cephalalgiam pacat novus cibus , scribit *Helmontius* , verè de crapulâ potius , aut quocunque alio dolore , quàm de clavo , sub quo nil assumi posse , aut omnia assumpta revomi non unus retulit , superato demum dolore , redit appetitus .

Juverunt in paroxysmo ipsi loco dolenti admota : In ENC. 2. A. 9. O. 141. doctorem juris , præmissis universalibus & aliis , tandem unicâ cucurbitulâ ipsi loco affecto in paroxysmo adhibitâ ab he-

micraniâ, singulis diebus certâ horâ recurrente, liberavit *Dan. Cru-gerus*: Hirudinibus item in ipso paroxysmo parti dolenti applicari jussis virginem & consiliariû ita juvit, ut dolores non redierint. Quia hic ultimus videtur fuisse ipse *Rabnerus*, quapropter faustus hirudinum usus prolixè meretur legi in allegatâ ipsius historiâ; Quibus præter testimonia *Heurnii* & *Zacuti Lusitani* accedat illud *Welschii* in mictomim. C. 3. §. 11. *Langelotti* in ENC. A. 7. O. 8. ubi ad multam quoque experientiam de salubri hirudinum succtu provocat. *Pechlinus* tamen loc. cit: *Id verò ex praxi constat, ut aliquandò vel hirudinum succtu aut vesicatorio multum illi dolores minuantur, vix tamen esse, ubi mulierum cephalæam inveteratam expugnare in totum possis.* Adeò nil universale est; Nam & dolorem viri quondam inter nos non evicit sanguisuga.

Laudem alibi missus sanguis itidem meruit: plures ab hemicraniâ curavit *Borellus* C. 1. O. 61. venâ rectâ frontis apertâ; clavus apud *Sylvaticum* O. 30. cessit sanguinis missioni ex jecorariâ dextri brachii; præsens in obs. *Rhodii* pertinacis hemicraniæ remedium traditur, incisio venæ, quæ inter pollicem & indicem excurrit. Circa arteriotomiam in primis attendi meretur illud *Parei* chir. c. 4. l. 16. quia in se ipso, magno suo ut ait bono, periculum fecit, & *Riverii* c. 2. O. 56. quia frustrâ aliis usurpatis per eam liberata dicitur ægra, sine recidivâ, & *Jacotii* O. 12. quia pariter intra dimidiam horam sublatus dicitur, nec ab eo tempore reversus dolor; Addi potest illud *Formii* in obs. Riv. com. & *Zac. Lusitani* prax. admir. O. 116. *Pachegus* in obs. 37. de se ipso: *Post hemicraniam quindecim annorum, accidit mihi apertio venæ in superiori labio; è quâ singulis mensibus libræ quatuor aut quinque sanguinis ferventissimi, & salsi profundeabantur; tedium hoc amolitus sum sectâ venâ brachii è directo labii affecti bis singulis mensibus, & educto liberaliter sanguine, hemicrania cessavit.* Fœminæ apud *Pechlinum* menses reversi dolendi pausam fecerunt; In *Hildan.* O. 9. C. 2. inveterata hemicrania copiosâ sanguinis per alvum profusione curata legitur; Quò spectant promissa *Sylvatici* O. 33. de apertione venarum sedalium, semel in mense repetitâ prope plenilunium, ut assuefiat natura huic evacuationi.

Retrorsum traxisse juvit virginem, cujus cephalæa in obs. *Ruy-schii* à setaceo applicito cessavit, eodemque remoto recurrit, idque aliquoties: Apud *Hildanum* etiam hemicrania extractione dentium

curata legitur l. c. O. 10. Quis verò plura sustinuit ægro *Mekreni*, qui arteriotomiâ, vesicatoriis, extractione dentis, fonticulo, trepano, curatus an divexatus? Mulier illa apud *Platerum* l. 2. p. m. 347. frustra trepanum bis experta, melius fatum habuit, cum tandem foetus masculum enixa statim ab omni molestia sine ullo medicamento liberaretur.

Farrago externorum, quæ juvisse prætenduntur, aliorum adhuc mentionem facere jubet: Patrem suum *Borellus* frontali ex alb. ovor. cum croci momento curavit; Apud *Schenkiu* l. 1. 118. ab hemicraniâ illâ 40. annorum frigidâ sæpius frontem lavans legitur curatus, sed cum subsequâ deglutitionis læsione; *Oxyrrhodon* *Pisoni* in paroxysmo sufficiens fuit; Vir illustris in *Act. Hafn.* V. 5. O. 62. dolores acerrimos strophio aquâ frigidâ madido collum circumdans sæpius elusit; Si infidum B. L. stupes remedium, lege *Borrichium*, qui observationem epicrissi exornat. Apud *Forestum* mulier epithemate rad. cucumer. sylv. contra hemicranias inclaruit; apud *Actium* & veterum plures laudatur euphorbium in his ita dictis frigidis affectibus; ex *Plateri* obs. l. 2. emplastrum de vigo; ex obs. 37. c. 1. *Riverii* empl. vesicatorium raso capillitio caput regens; & quæ citari possent plura, ut illud theæ *Dolai*, regium *Burrhi*, &c. Interna plurima præterimus modò.

Juvit etiam quosdam evacuatio per nares: De sanguine supra dictum; *Piso* laudavit inducias dolorum à coryzâ, & prophylacticum ex sudoribus spontaneis præsentissimum; Fœmina *Bailly* non solum habuit lacrymas copiosas affecti lateris certum indicium paroxysmi ad finem properantis, sed etiam interdum nares è directo multo stilabant sero, ad quam vacuationem per menses integros concessit dolor; pro salubritate hujus evacuationis per nares suppetunt testimonia in disp. d. strict. gland. Exc. D. *Zelleri*, quæ videsis; mixta cruoris fanies errhinis obtenda laudem meruit *Lentilii* l. c. Qualibus nixus errhinum commendavit contra cephalæas *Screta* d. febr. castr. p. 215. *Rabnerus* tamen errhina noxia comperit. Inter illos affectus, quos famosus olim circumforanei pulvis rhevmaticus partim in priore statu reliquit, partim in deteriorem detrusit, etiam hemicraniam recenset Præsidis *B. Parens* in disp. d. coryz. sic. ex quâ & illam in quibusdam indispositionem feri notâ, quæ ad fluxus non inclinât, nec errhinis facile movetur: interim *Galenus* comm. in Hipp. d. hum.

ptarmicum juvans dicit aqueo, non bilioso humori. Fluxum aqueum deduxit ad humiliora viciniae *Pfisterus*, curatâ per salivationem guttâ serenâ cum plicâ & hemicraniâ; ubi confer laudes mercurii, præparati ad evitacionem salivationis, contra clavum in pec. diss. *Frid. Hoffmanni*. Sed ex naribus adhuc aliud pro clavo; sc. vermes excreti apud *Schenkium* l. c. *Zacutum* prax. admir. O. 7. excisi apud *Borellum*, sed omisissis necessariis circumstantiis, in epilogo observ. vel C. 1. O. 39.

Contrahenda vel tandem erat prolixior hæc classis, maximè quia aliud est laudari vel usurpari contra morbum, aliud mereri ut referatur inter juvantia, aliud item est remedium paroxysmi unius & alterius, aliud morbi constanter. Duo agmen claudant: Primò *Rabnerus* notat de quartanâ (alio & meliore fato, quàm apud *Forestum* de hem. c. quart. l. c.) quòd superveniens inducias fecerit ferè 18. mensibus: Secundò *Mortonus* totus est in laudibus sui corticis, quo hemicraniam suam, aliàs sub variâ tractatione methodica tamen contumacem, citò & tutò superavit.

C O R O L L A R I A.

1. Familiaris odontalgia gravidis, catarrhosis, aliisve, cum typo interdum febrili, habet quidem occasionem in dente vitioso, sed & ulterius quid in toto, quod eò collimat.

2. Quid autem simile habet pollex pedis sinistri, vi cujus in ipso principium sui communius querit podagra?

3. Qui principium hæmoptoës parvo sinistri hypochondrii spatio sibi circumscribi ajunt, quarum partium spasmus, aut motum sanguinis per quæ vasa sentiunt? An è porta venâ per cavam & cor in pulmones, secus ac prætensa rectitudo ascensûs permittit. vid. *Ballon. in cons. & hist. Hagendorn. Wolfstrigel. in A. 1. ENC.*

4. Dolor in ventre quibusdam parvo item & certo loco periodicus de verme, spasmo, denudatione, introsusceptione movit subindè dubia, ventilanda in conflictu.

5. Cùm sibi videretur *Galenus* terebro perforari in intimo ventre, l. 2. d. loc. aff. specie hæc doloris deceptus lapidem ureteri impactum putavit, sed humor intestino insederat vitreus; rarior causa colicæ inter nos, quàm ut indiscriminatim approbet usum purgantium & carminantium.

6. An ad cephalæam & clavum spectat *Paulinus* ille σκόλωψ τῇ σαρκί, paxillus carnis? de quo peculiaris exstat dissertatio inter illas jucundas *Medico-philologicas Wedelii*.